

武甯縣志卷之四十二

武甯縣知縣粵東何慶鞠纂

塋墓

哲士安仁愚夫但化運往會來於何憑藉蟪蛄春秋菌
槿晨夜苟無建樹同焉榮謝或崇而封或值之槨莫厥
精靈妥其幽舍表誌焜煌銘詞典雅文德武功不相假
借若堂若房悠悠泉下孝子慈孫昭茲流亞志塋墓

伊奘墓在北鄉伊山詳見雜記

吳王墓在長樂鄉吳王峰

按馮志載有甘羅吳王二墓頗難徵信古蹟辨之甚詳
循舊錄訂亦存疑之意耳

唐祭酒張甯墓在縣東四十里琵琶峰

武甯縣志

卷四十二

塋墓

宋靜王汪焱墓在江陰鄉桐林

按馮志載汪焱隨父迪判司婺州屢平賊寇有功封靜
王鎮豫章籍居武甯桐林因葬焉其功績封爵泯不可
攷姑循舊錄以俟參核

宋太傅鄭中立墓在上清鄉即今下南鄉西渡源

宋御史汪剛中墓在江陰鄉桐林

宋寶慶通判葉履和墓在南鄉廉村梅山燕塌丞相謝方
叔題翰林徐經孫撰銘

宋著作郎葉點墓在上南鄉楊方松林

宋學士周友賢墓在四十二都文仲原

宋處士葉開墓在南鄉西溪修撰周應合志銘

宋提刑冷應元墓在豐良邑進士邢以忠誌

元贈右丞相胡紹遠墓在江陰鄉長沙

明知縣盛文郁墓在北門奩臺山

明參政萬廷彩墓在西嶺

明給諫聶以大墓在下灣蓮花菡

明按察司僉事方孟縉墓在北鄉塔溪

明知州潘儻墓在南阜

明朝列大夫余弼墓在長樂鄉雁伏山弼子長祚同墓此

明湖廣九溪衛教授張嘉猷墓在磧溪山內竹坑裏

明定番知州萬曰軾墓在嚴陽山西坪

國朝鄉進士福建汀州府推官盧圖龍墓在下南鄉球場工

部侍郎周亮工誌銘

昭勇將軍武甯營守備馬文燦墓在孟家灣邑令王掄

武甯縣志

卷四十二

墓

二

四百五十一

士誌云有附墳地二畝原付山隣韋正南看管道光三年經公清理丈過三畝七分有零着正南之嗣孫孕唐等付出歸公召佃每年額租錢壹千貳百文作春秋祭祀之費韋姓推出地糧銀六分祭期捕衙親臨設奠

正堂陳 爲曉諭事案據紳士公稟余正南卽韋正南侵佔清故守備馬公墳地一案業經本縣親詣勘明墳地斷令韋正南之孫韋孕堂等培修內外羅圍鋪砌墳前磚石免追歷年侵蝕修墳之費其羅圍內盜葬五塚無碑可考姑作古塚免其起扞毘連墳所餘地向係培壅種蔗以致地高于墳均飭令不得再行培高墳外餘地大小共三處勘丈計地三畝七分七厘八毫另行召佃領種完糧納租地租飭交禮書經管歲爲修葺墳塋

辦理春秋二季香楮等物聽候委員祭奠計其所用歲有贏餘五年後將存餘租項大修墳墓一次取供立讞在案惟查民間墳山地畝侵佔盜葬各有明條馬公禦亂衛民功在不朽雖世遠年湮傳誦日少而松楸抔土卽屬遺芳凡爾士民皆當追思曩者保障之功肅然起敬更不得稍存覬覦之心今本縣雖已將韋孕堂責懲周詳立案誠恐鄉僻小民未能盡悉合行出示刊碑曉諭爲此示仰該處居民人等知悉自示之後所有馬公墳塋地畝毋許任畜踐踏及侵削霸耕倘敢視爲無主之墳藐非在官之地有盜葬侵佔者一經查出或被指控定行嚴究以爲玩視不遵者戒各宜凜遵毋違特示道光三年十月初十日

武甯縣志

卷四十二

塋墓

三

四百三十

誥授榮祿大夫甯夏總兵官都督徐月吉墓在文仲原

誥授榮祿大夫左都督湖廣施州營遊擊盧達墓在新建畢

家山

勅授昭勇將軍武甯營都司李大威墓在劉家山上庄邑人

盛元績誌銘

誥授通奉大夫太僕寺正卿盧浙之墓在安樂鄉一都龍腹

朱家嘴

誥授武顯將軍廣東潮州鎮總兵張大鵬墓在十三都塘北

山之崖山

學博盛字雲先生墓在北鄉二十七都梅林鼓上貓山

面高火峰

處士張閏榻先生墓在北鄉煙港秤勾灣曹氏山前之

左南向有碑自為墓誌銘

按塋墓之志必其人有關於世及官斯土而有功於民者方可登載若尋常科第仕宦概不及收

附義塚

一在城東校場西嘉靖二年知縣陸浚置

一在城東校場左萬曆三年知縣胡東陽買民地五畝繚

以土垣名漏澤園

一在城西龍潭石後雲龍書院廢基萬曆三年改為義塚

一在城西竺家嶺

國朝順治九年武甯營守備張百齡買民地五畝五分為義

塚

乾隆十二年吏員鄧正選諸人聯卹亡會置買田產每遇

武甯縣志

卷四十二

塋墓

四

三百五十七

清明修築墳塚中元建設齋醮歲以為常

附卹亡會置產諸人

鄧正選

林冬燧

洪巽中

潘崇桂

盛辰南

王戒浮

李芳馨

張志猷

張鳳圖

羅彥鑑

盛西仁

張鼎九

冷洪鑑

以上俱坊市人

按卹亡義舉初常施棺二百矣凡二十餘人張應遴為之序其弟張郁南等呈請鄒令入志未果後會金日耗

老成半謝各家子弟不能盡一其會漸解選乃聯集同事十三人爲垂久計續置宋家墩洋浦裡鴈嘴壠田一十七畝八分正米一石一斗六升二合九勺在西倉二畝完納自是計所入之租以爲費踵行不衰無虞費乏用附載之以示勸焉

道光十八年邑增貢生劉翔龍例貢生劉金詒兄弟買獻義塚山一障在北關外百樓源口土名魏家山四界俱止山脚又東南連界秋地數畝併獻入養濟院收租

道光二十九年邑監生黃兆泰父子買獻義塚山一障土名大嶺下高公窩東至盛姓山水溝西至王姓山窖石南至學署山水溝北至王姓山墾爲界又庄屋門首義塚地坪連山一圖東北至雷姓山窖石西至學署山窖石南至圳爲界又買獻土名太保殿熟地一片計弓壹畝三分歸守山耕作爲每歲照理義塚工食

福建監生張碧梧父子買獻義塚山一障在北關外土名馬杓山東至劉姓田南至劉盛二姓田西至太路北至養濟院墳場

咸豐元年邑令周汝筠買畢家坳義塚山雲塢麥塢細塢山一面又畢坳西向山一面四至窖石

張怡順堂捐獻畢家坳義塚山三角塘大塢羅塘墾上一截四至窖石

張素心捐獻畢家坳義塚山菜園塢山一面四至窖石
同治九年八鄉貧民買獻畢家坳義塚山月山背西向山一面四至窖石